



Broj: 150-15-4-1956- 9 /21 TT  
Sarajevo, 08. novembar 2021. godine

Na osnovu člana 70. stav (1) i (3) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, broj: UV-122-01-1-1045-11/21 od 28. aprila 2021. godine i broj: UV-104-01-1-1425-15/21 od 29. juna 2021. godine, člana 13. stav (2) tačka b), člana 43. stav (1), (2) i (3) i člana 45. stav (2) Pravilnika o javnim nabavkama Centralne banke Bosne i Hercegovine, broj: UV-150-01-1-1467-3/20 od 27. jula 2020. godine, guverner Centralne banke Bosne i Hercegovine, donosi

#### O D L U K U

o izboru najpovoljnijeg ponuđača u postupku javne nabavke robe – auto gume za potrebe Centralne banke Bosne i Hercegovine – Glavne jedinice Mostar – lot 2

##### Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku auto guma za potrebe Centralne banke Bosne i Hercegovine – Glavne jedinice Mostar – lot 2, putem konkurentskog zahtjeva za dostavljanje ponuda, dodjeljuje ponuđaču EURO DAM-JAS d.o.o., Lukavičkih brigada bb, 75300 Lukavac, na period od jedne (1) godine, u svemu prema Ponudi broj: ES-CB2/21 od 16. oktobra 2021. godine i izvještaju o toku i završetku e-aukcije.

##### Član 2.

Prema izvještaju o toku i završetku e-aukcije, Ponuda ponuđača iz člana 1. ove odluke, glasi na iznos od:

1.026,36 KM bez uračunatog PDV-a  
(slovima: hiljadudvadesetšest i 36/100 konvertibilnih maraka)

odnosno

1.200,84 KM sa uračunatim PDV-om  
(slovima: hiljadudvijestotine i 84/100 konvertibilnih maraka)

##### Član 3.

Centralna banka će po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti Okvirni sporazum, za čije se izvršenje zadužuje Centralna banka Bosne i Hercegovine – Glavna jedinica Mostar (u daljnjem tekstu: Glavna jedinica Mostar).

##### Član 4.

Za realizaciju ove odluke zadužuju se Glavna jedinica Mostar, Odjeljenje za javne nabavke i Odjeljenje za računovodstvo i finansije Centralnog ureda Centralne banke Bosne i Hercegovine.

## Član 5.

Ova odluka će se objaviti na web stranici Centralne banke Bosne i Hercegovine, [www.cbbh.ba](http://www.cbbh.ba), istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama ("Službeni glasnik BiH", broj 39/14).

### O b r a z l o ž e n j e

Postupak javne nabavke roba – auto gume, putem konkurentskog zahtjeva za dostavljanje ponuda, pokrenut je Odlukom o pokretanju postupka, broj: 150-15-4-1956/21 SAK od 24.09.2021. godine. Centralna banka je dana 8. oktobra 2021. godine na portalu Javnih nabavki objavila Obavještenje o nabavci broj: 370-7-1-452-3-273/21, te uputila Poziv za preuzimanje Tenderske dokumentacije putem konkurentskog zahtjeva određenom broju ponuđača, u skladu sa članom 88. stav (1) Zakona o javnim nabavkama.

U roku određenom za prijem ponuda, odnosno do 27. oktobra 2021. godine, za lot 2 su dostavljene ponude sljedećih dobavljača:

1. GUMA VP 200 d.o.o., Bišće polje bb, 88000 Mostar,
1. UNITRADE d.o.o., Hrvatskih kraljeva 23, 88320 Ljubuški i
2. EURO DAM-JAS d.o.o., Lukavačkih brigada bb, 75300 Lukavac.

Komisija nadležna za provođenje postupka javne nabavke (u daljnjem tekstu: Komisija) je nakon izvršenog pregleda i ocjene ponuda konstatovala da pristigle ponude navedenih ponuđača zadovoljavaju sve uslove tražene tenderskom dokumentacijom, te je shodno tome zakazala e-aukciju na dan 3. novembar 2021. godine u 11:00 sati.

U skladu sa kriterijem najniža cijena i Izvještajem o toku i završetku e – aukcije, Komisija je u svom Zapisniku o pregledu i ocjeni ponuda broj: 149-15-4-2115-7/21 od 3. novembra 2021. godine i Izvještaju o radu Komisije sa preporukom, broj 149-15-4-2115-8/21 od 3. novembra 2021. godine, dala preporuku za donošenje odluke kao u dispozitivu.

### **Pouka o pravnom lijeku:**

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 5 dana od dana prijema ove odluke.

Dostaviti:

- guverneru
- viceguvernerima
- uredu glavnog internog revizora
- sekretaru Uprave i Upravnog vijeća
- predsjedniku i članovima komisije
- Glavnoj jedinici Mostar
- Odjeljenju za računovodstvo i finansije (original)
- Odjeljenju za javne nabavke (original)
- u spis predmeta (original)
- učesnicima u postupku (original)

GUVERNER  
  
dr Senad Softić

